

**Lvdovici Molinæ, E Societate Iesv Theologiæ Doctoris, &  
Professoris, Commentaria, In primam D. Thomæ partem**

**Molina, Luis de**

**Lugduni, 1622**

Argumenta initio quæstionis proposita soluuntur. Membrum 4.

---

[urn:nbn:de:hbz:466:1-73915](#)

## MEMBRVM IV.

*Argumenta initio questionis proposita soluuntur.*

*Ad primum.* Primum argumentum initio disputationis positum non minus pugnat contra Scotum, quam contra nos. Apud Scotum namque elicere intellectiōnem ac verbum, est actio immanens: & tamen per eam producere intelligere & verbum, ut ipsemet affirmit: quare confiteri tenetur, per aliquā actionem immanentem, produci aliquem terminū. Ad argumentum ergo dicendum est, discrīmen illud inter actionem immanentem & transeuntem, quod Aristoteles tradit 9 Metaph. & 1 Ethicorum innuit, non ita esse intelligendum, quasi per actionē nūnca immanentem nihil omnino producatur: sed ita vt nihil producatur, ad quod actio ipsa ordinatur tamquam ad finem. Itaque discrīmen, quod illis in locis Aristoteles constituite intedit, est, quod

*Actio im-* manente *nūnca* ad quod actio ipsa ordinatur tamquam ad finem: *hīl produci* per actionem vero immanentem nihil producitur, *ad quod ad quod* actio ipsa dirigatur tamquam ad finem. *ipsa ordine-* tur in quo. Estque illud legitimū discrīmen, maximēque ad transeunte notandum inter utramque actionem. Per calefactiōnem enim non solum producitur calor, sed etiam calefactio ipsa est in rerum natura, vt sit calor, & non è contrario, idēo est calor, vt sit calefactio, per quam producitur: idēmque cernitur in ceteris actionibus transeuntibus. Quia ergo in illis actio est propter terminum productum tamquam ob finem, & non è contrario, terminus est nobilior actione: eaque de causa in actionibus transeuntibus numquam actio ipsa est ultimum tamquā finis, ad quem cetera ordinantur. In actionibus autem immanentibus, licet semper per eas aliquid producatur, vt intellectiōne verbū, per cognitionem sensus species expressa, in quam non quadrat propria verbī appellatio, per actus etiam voluntatis certus terminus, vt artic. 3, ostendimus (quod idem ceteris actionibus immanentibus conuenit) nihilominus res producere ipsas productiones tamquam fines respiciunt, nec tamen sunt eorum fines. Neque enim idēo intelligimus, vt producatur verbum, sed idēo intelligendo producitur verbum, quia sine eo non possumus intelligere. Quō sit, vt verbum ordinetur à natura ad intellectiōnem tamquam ad finem, & non è contrario. Habitū etiam, quos actus intelligendi, volendi, &c. tamquam principia efficientia parunt, ad ipsos met actus tamquam ad fines diriguntur: habitus namque à natura instituti sunt, vt promptius & melius exerceamus actus ipsos: nec tamen actus dantur, vt habitus sint. De his copiosius differimus 2. de Anima, cap. 4. Quia ergo actus immanentēs intellectus & voluntatis praestantes sunt ceteris omnibus rebus, quas producent, rationēque finis habent comparatione harum, merito Aristoteles 1 & 10. Ethicorum felicitatē tam morem quam speculatiū, in illis constituit.

*Ad secundū.* Ad secundū negandum est antecedens: ostendimus namque actum sentiendi speciem expressam generare, similiēque modo aliquo terminū actiōnibus voluntatis respondere, artic. 3. patet.

*Ad tertium.* Ad tertium concedenda est confecatio, si tam in antecedente, quā in consequente sermo sit de intelligere, quod sit vera actio, quale est omne intelligere creatum. Ad primam probationem, qua conse-

A quentis falsitas probatur, dicendum est, Filiū & Spiritum sanctū non intelligere intellectiōne qua sit actio, quæque ab intelligenti distinguitur, & idcirco non esse opus, vt producā Verbum: id quod in sequentibus clarū exponetur. Quod verò attinet ad secundam probationem quæst. 12. art. 2. disput. 1. ostendimus, & beatos inuentes diuinam esentiam, & Angelos, cum propriam contemplantur substantiam, verbum proferre.

Ad quartum dicendum est, intelligentiam, id est, intellectum, per intellectiōnem producere verbum tamquam per actionem, quæ est ipsam verbi producē: non verò tamquam per principium efficiē: Augustinum autem dicere, verbum producā à memoria tamquam à principio efficiē, à quo tum actio, qua generatur verbum, tum etiam verbum ipsum procedit.

Ad quintum negandum est, speciem impressam & expressam de eodem obiecto esse ciuidem species, vt in libris de Anima explicatum est. Impressa namque inducitur à solo obiecto, aut à notitia sensus inferioris in potentiam cognoscētē superiorē: expressa vero producitur, tum à specie impressa, tum etiam à potentia longè nobilitati, in qua talis species impressa residet, ex cuius potentia influxu, & actione species expressa habet maiorem perfectionem essentialē, quam habet species impressa, esto utraque sit imago ciuidem obiecti.

Ad sextum negandum est, antecedens. Ad probationem neganda est consecutio. Ad cuius confirmationem respondebis, tunc aliquid, iuxta eam formā loquendi quorūdam autorū, esse in potentia essentiali, quando est in potentia, non solum ad operationem, sed etiam ad formam, à qua elicitur operatio tamquā à principio efficiē: non verò quando est in potentia ad formam, qua operationem ipsam terminat, quo modo se habet species expressa ad verbum, si cum actu intelligendi conferatur.

Ad septimum dicendum est, intellectiōnem, que vera sit actio, non posse distinctā perfectāque notitia cognosci, quin terminus ea genitus cognoscatur: posse tamen confusē intelligi fine cognitione termini. Cuius rei causa est, quia cū huiusmodi actiones non diriguntur ad terminos, quorum sunt productiones, tamquā ad fines, sicut actiones transeuntes ad suos terminos ordinantur: neque item eorum termini obiecta sint, circa quae veriantur, sicut termini actionum transeuntium obiecta suo modo sunt transeuntia actionum, sed eorum obiecta solum sint res, que per eas cognoscuntur, quas proinde, vt 2. de Anima, cap. 4. ostendimus est, essentialiter respiciunt: sit, vt intelligi confusa cognitione possint per comparationem ad res, quæ per eas percipiuntur, id est, per comparationem ad sua subiecta, nulla interim habita consideratione termini: quemadmodum etiam calefactio intelligitur per comparationem ad calorem, ad quem per se ordinatur tamquam ad obiectum. Cetera, quæ de verbo dici poterant, commodiū disputabuntur quæst. 34.

## ARTICVLVS II.

*Vtrum processio aliqua in diuinis posset dici generatio.*



T examinet, an processio Verbi per intellectum, quam iuxta fidem Catholicae articulo precedente in Deo contendam esse ostendit, verēne, ac proprie-  
tate generatio, ac proinde vtrum Verbum diuinum  
verē.